



O‘ZBEKISTON RESPUBLIKASI
KAMBAG‘ALLIKNI QISQARTIRISH VA BANDLIK VAZIRLIGI
B U Y R U Q

2023-yil “ 18 ” avgust

149-son

Toshkent shahri

O‘zbekiston Respublikasi
Kambag‘allikni qisqartirish va
bandlik vazirligida markazlashgan
davlat xaridlarini amalga oshirish
jarayonini tartibga solish to‘g‘risida

O‘zbekiston Respublikasining “Davlat xaridlari to‘g‘risida”gi Qonuni, O‘zbekiston Respublikasi Vazirlar Mahkamasining “Davlat xaridlarini amalga oshirish bilan bog‘liq tartib-taomillarni tashkil etish va o‘tkazish tartibi to‘g‘risidagi Nizomni tasdiqlash haqida”gi 2022-yil 20-maydagi 276-son qarori hamda O‘zbekiston Respublikasi Prezidentining “Korrupsiyaga qarshi kurashish ishlarining samarad orligini reyting baholash tizimini joriy etish chora-tadbirlari to‘g‘risida” 2022-yil 12-yanvarda PQ-81-son qarori talablariga muvofiq,

BUYURAMAN:

1. O‘zbekiston Respublikasi Kambag‘allikni qisqartirish va bandlik vazirligida Davlat xaridlarini amalga oshirish jarayonida korrupsion holatlar yuzaga kelishi va manfaatlar to‘qnashuvining oldini olish, tashkil etiladigan davlat xaridlarini o‘tkazish jarayonlarini ochiqlik va shaffoflik prinsiplariga muvofiq amalga oshirilishini ta‘minlash maqsadida:

davlat xaridlarini amalga oshirish bo‘yicha xarid komissiyasi tarkiblari 1-ilovaga, 2-ilovaga, 3-ilovaga, 4-ilovaga;

davlat xaridlarini amalga oshirish doirasida xarid qilish tartib-taomillari ishtirokchilarini tekshirish jarayoni bo‘yicha yo‘riqnoma 5-ilovaga muvofiq tasdiqlansin.

2. Xarid komissiyasining asosiy vazifasi Kambag‘allikni qisqartirish va bandlik vazirligining markaziy apparati, Bandlikka ko‘maklashish davlat jamg‘armasi, Aholini tadbirkorlikka jalb qilish jamg‘armasi, Jamoat ishlari jamg‘armasi, Xorijda mehnat faoliyatini amalga oshiruvchi shaxslarni qo‘llab-quvvatlash hamda ularning huquq va manfaatlarini himoya qilish jamg‘armasi, Obod va xavfsiz mahalla jamg‘armasi, Hunarmandchilik va

kasanachilikni qo'llab-quvvatlash jamg'armasi mablag'lari hisobidan amalga oshiriladigan markazlashgan xaridlarni ko'rib chiqish, xolis baholash hamda davlat xaridlari raqobatlashuv usullari orqali g'olibni tanlashdan iborat.

3. Uch kun muddatda Davlat xaridlarini amalga oshirish bo'yicha xarid komissiyasi a'zolari o'zining shaxsiy "Elektron imzo" kaliti bilan xarid.uzex.uz dasturi orqali ro'yxatdan o'tsin.

4. Komplayens nazorat bo'limi (D.Temirov) xarid ishtirokchilari tomonidan taqdim etilgan takliflarini baholash jarayonida xarid tartib taomillariga asosan manfaatlar to'qnashuvini va ishtirokchilari haqidagi ma'lumotlarni tahlil qilib, hujjatlar taqdim etilgandan so'ng uch ish kunida xulosani Xarid komissiyasi Ishchi guruhiga taqdim etsin.


5. O'zbekiston Respublikasi Kambag'alikni qisqartirish va bandlik vazirligining 2023-yil 12-iyundagi 101-son buyrug'i ilovasi o'z kuchini yo'qotgan deb hisoblansin.

6. Mazkur buyruqni ijrosini nazorat qilish vazir o'rinbosari E. Muhitdinov zimmasiga yuklansin.

Vazir



B. Musaev



**Kambag'allikni qisqartirish va bandlik vazirligining markaziy apparati, Bandlikka
ko'maklashish davlat jamg'armasi, Obod va xavfsiz mahalla jamg'armasi,
Hunarmandchilik va kasanachilikni qo'llab-quvvatlash jamg'armasi hisobidan amalga
oshiriladigan davlat xaridlar bo'yicha
xarid komissiyasi
T A R K I B I**

| | | |
|----|-------------------------|--|
| 1. | R.Turdiboyeva | Vazir o'rinbosari - Komissiya raisi |
| 2. | N.Musaev | Mahalla institutini rivojlantirish departamenti direktori - komissiya a'zosi |
| 3. | S.Raxmonov | Kambag'allikni qisqartirish, hokim yordamchilari faoliyatini muvofiqlashtirish boshqarmasi |
| 4. | Sh. Amanov | Kasbga o'qitish va malaka tizimini rivojlantirish boshqarmasi boshlig'i - komissiya a'zosi |
| 5. | S. Maksudov | Moliya – iqtisod boshqarmasi boshlig'i komissiya a'zosi |
| 6. | B.Xolmuradov | Xaridlar va moddiy texnik bazani mustahkamlash va DXSHni rivojlantirish bo'limi boshlig'i - komissiya a'zosi |
| 7. | A.Abdukarimov | Yuridik ta'minlash bo'limi boshlig'i komissiya a'zosi |
| | <i>Lavozim bo'yicha</i> | Xaridlar va moddiy texnik bazani mustahkamlash va DXSHni rivojlantirish bo'limi bosh mutaxassisi- Xarid komissiyasi mas'ul kotibi |

Izoh: Komissiyaning a'zolari boshqa ishga o'tgan taqdirda, uning tarkibiga ushbu lavozimlarga yangi tayinlangan shaxslar kiritiladi.

O'zbekiston Respublikasi
Kambag'allikni qisqartirish va bandlik vazirligining
2023-yil "___" _____dagi _____-son buyrug'iga
2-ilova

**O'zbekiston Respublikasi Kambag'allikni qisqartirish va bandlik vazirligi Mahallabay
ishlash va tadbirkorlikni rivojlantirish agentligining Aholini tadbirkorlikka jalb qilish
jamb'armasi hisobidan markazlashgan tartibda amalga oshiriladigan davlat xaridlari
bo'yicha Xarid komissiyasi**

T A R K I B I

| | | |
|----|-------------------------|---|
| 1. | R.Turdiboyeva | Vazir o'rinbosari - Komissiya raisi |
| 2. | N.Musaev | Mahalla institutini rivojlantirish departamenti direktori - komissiya a'zosi |
| 3. | S.Raxmonov | Kambag'allikni qisqartirish, hokim yordamchilari faoliyatini muvofiqlashtirish boshqarmasi |
| 4. | S. Maksudov | Moliya – iqtisod boshqarmasi boshlig'i komissiya a'zosi |
| 5. | B.Xolmuradov | Xaridlar va moddiy texnik bazani mustahkamlash va DXSHni rivojlantirish bo'limi boshlig'i - komissiya a'zosi |
| 6. | A.Abdukarimov | Yuridik ta'minlash bo'limi boshlig'i komissiya a'zosi |
| 7. | A.Nizomov | Mahallabay ishlash va tadbirkorlikni rivojlantirish agentligining Aholi va tadbirkorlarga moliyaviy ko'mak berishni muvofiqlashtirish boshqarmasi boshlig'i - komissiya a'zosi |
| | <i>lavozim bo'yicha</i> | Mahallabay ishlash va tadbirkorlikni rivojlantirish agentligining Aholi va tadbirkorlarga moliyaviy ko'mak berishni muvofiqlashtirish boshqarmasi mas'ul xodimi Xarid komissiyasi mas'ul kotibi |

Izoh: Komissiyaning a'zolari boshqa ishga o'tgan taqdirda, uning tarkibiga ushbu lavozimlarga yangi tayinlangan shaxslar kiritiladi.

O'zbekiston Respublikasi
Kambag'allikni qisqartirish va bandlik vazirligining
2023-yil "___" _____dagi _____-son buyrug'iga
3-ilova

**O'zbekiston Respublikasi Kambag'allikni qisqartirish va bandlik vazirligining Jamoat
ishlari jamg'armasi hisobidan markazlashgan tartibda amalga oshiriladigan davlat
xaridlari bo'yicha Xarid komissiyasi
T A R K I B I**

| | | |
|----|-------------------------|--|
| 1. | R.Turdiboyeva | Vazir o'rinbosari - Komissiya raisi |
| 2. | N.Musaev | Mahalla institutini rivojlantirish departamenti direktori - komissiya a'zosi |
| 3. | S.Raxmonov | Kambag'allikni qisqartirish, hokim yordamchilari faoliyatini muvofiqlashtirish boshqarmasi |
| 4. | S. Maksudov | Moliya – iqtisod boshqarmasi boshlig'i komissiya a'zosi |
| 5. | B.Xolmuradov | Xaridlar va moddiy texnik bazani mustahkamlash va DXSHni rivojlantirish bo'limi boshlig'i - komissiya a'zosi |
| 6. | A.Abdukarimov | Yuridik ta'minlash bo'limi boshlig'i komissiya a'zosi |
| 7. | S.Samadov | Jamoat ishlari jamg'armasi direktori - komissiya a'zosi |
| | <i>lavozim bo'yicha</i> | Jamoat ishlari jamg'armasi mas'ul xodimi – Xarid komissiyasi mas'ul kotibi |

Izoh: Komissiyaning a'zolari boshqa ishga o'tgan taqdirda, uning tarkibiga ushbu lavozimlarga yangi tayinlangan shaxslar kiritiladi.

O'zbekiston Respublikasi
Kambag'allikni qisqartirish va bandlik vazirligining
2023-yil "___" _____dagi _____-son buyrug'iga
4-ilova

**O'zbekiston Respublikasi Kambag'allikni qisqartirish va bandlik vazirligining Xorijda mehnat faoliyatini amalga oshiruvchi shaxslarni qo'llab-quvvatlash hamda ularning huquq va manfaatlarini himya qilish jamg'armasi hisobidan markazlashgan tartibda amalga oshiriladigan davlat xaridlari bo'yicha Xarid komissiyasi
T A R K I B I**

| | | |
|----|-------------------------|---|
| 1. | R.Turdiboyeva | Vazir o'rinbosari - Komissiya raisi |
| 2. | N.Musaev | Mahalla institutini rivojlantirish departamenti direktori - komissiya a'zosi |
| 3. | S.Raxmonov | Kambag'allikni qisqartirish, hokim yordamchilari faoliyatini muvofiqlashtirish boshqarmasi |
| 4. | S. Maksudov | Moliya – iqtisod boshqarmasi boshlig'i komissiya a'zosi |
| 5. | B.Xolmuradov | Xaridlar va moddiy texnik bazani mustahkamlash va DXSHni rivojlantirish bo'limi boshlig'i - komissiya a'zosi |
| 6. | A.Abdukarimov | Yuridik ta'minlash bo'limi boshlig'i komissiya a'zosi |
| 7. | A.Rajabov | Xorijda mehnat faoliyatini amalga oshiruvchi shaxslarni qo'llab-quvvatlash hamda ularning huquq va manfaatlarini himya qilish jamg'armasi direktori - komissiya a'zosi |
| | <i>lavozim bo'yicha</i> | Xorijda mehnat faoliyatini amalga oshiruvchi shaxslarni qo'llab-quvvatlash hamda ularning huquq va manfaatlarini himya qilish jamg'armasi - Xarid komissiyasi mas'ul kotibi |

Izoh: Komissiyaning a'zolari boshqa ishga o'tgan taqdirda, uning tarkibiga ushbu lavozimlarga yangi tayinlangan shaxslar kiritiladi.

Kambag'allikni qisqartirish
va bandlik vazirligining
2023-yil "___" iyuldagi
___-son buyrug'iga
5-ilova

**O'zbekiston Respublikasi Kambag'allikni qisqartirish va bandlik vazirligida
davlat xaridlarini amalga oshirish doirasida xarid qilish tartib-taomillari
ishtirokchilarini tekshirish jarayoni bo'yicha**

YO'RIQNOMA

1-bob. Umumiy qoidalar

1. Mazkur Yo'riqnoma tender, tanlov va yagona yetkazib beruvchi bilan shartnoma tuzishda O'zbekiston Respublikasi Kambag'allikni qisqartirish va bandlik vazirligi (keyingi o'rinlarda Vazirlik deb yuritiladi)ning xarid qilish tartib-taomillari ishtirokchilarini majburiy tekshirishning asosiy talablari, tartibi va usullarini (keyingi o'rinlarda xarid qilish tartib-taomillari ishtirokchilarini tekshirish deb yuritiladi) belgilaydi.

2. Quyidagilar xarid qilish tartib-taomillari ishtirokchisini o'rganishning asosiy maqsadi hisoblanadi:

Manfaatlar to'qnashuvi hamda vazirlik tizimi tashkilotlari xodimlarining shaxsiy manfaatdorligi bilan bog'liq bo'lgan korrupsiyaviy xavf-xatarlarni minimallashtirish;

insofsiz xarid qilish tartib-taomillari ishtirokchilari bilan shartnoma tuzish xavf-xatarlarini minimallashtirish;

xarid qilish tartib-taomillari ishtirokchisining shartnoma bo'yicha tovarlarini yetkazib berish yoki xizmatlarni ko'rsatish/ishlarni bajarish imkoniyatlarini baholash;

tegishli darajada extiyotkorlik bilan xarid qilish tartib-taomillari ishtirokchisi bilan shartnoma tuzish haqida qaror qabul qilish;

3. Xarid qilish tartib-taomillari ishtirokchisini tekshirish xarid qilishning barcha ishtirokchilariga nisbatan amalga oshiriladi.

4. Mazkur Yo'riqnomada quyidagi asosiy tushunchalardan foydalaniladi:
xarid qilish tartib-taomillari ishtirokchisining benefitsiar (oxirgi benefitsiar) egasi-xarid ishtirokchisining mulkdori bo'lgan yoki ushbu xarid ishtirokchisiga bevosita yoki bilvosita (uchinchi shaxslar orqali) majburiy ko'rsatmalar berish huquqiga yoki imkoniyatiga ega bo'lgan yohud u tomondan qabul qilinadigan qarorlarga ta'sir ko'rsatishi yoki uning harakatlarini boshqacha usulda nazorat qilishi mumkin bo'lgan jismoniy shaxs;

IYYaR-insofsiz ishtirokchilarning yagona reestri
(<http://xarid.uzimfairexecutor>);

Xarid qilish tartib-taomillari ishtirokchisi-davlat xaridlarining subyektlaridan biri hisoblanib, Vazirlik bilan shartnomaviy munosabatlarga kirishayotgan yoki kirishgan har qanday yuridik yoki jismoniy shaxs, mehnat munosabatlari bundan mustasno;

kirishayotgan yoki kirishgan har qanday yuridik yoki jismoniy shaxs, mehnat munosabatlari bundan mustasno;

manfaatlar to'qnashuvi-mehnat organlari va tasarrufiy tashkilotlar xodimining shaxsiy (bevosita yoki bilvosita) manfaatdorligi uning xizmat majburiyatlarini lozim darajada bajarishga ta'sir ko'rsatayotgan yoxud ta'sir ko'rsatishi mumkin bo'lgan hamda xodimning shaxsiy manfaatdorligi bilan mehnat organlari va tasarrufiy tashkilotlar manfaatlari o'rtasida qarama-qarshilik yuzaga kelayotgan yoki yuzaga kelishi mumkin bo'lgan vaziyat;

korrupsiyaviy xavf-xatar - xodimlar yoki uchinchi shaxslar tomonidan mehnat organlari yoki o'zlarining manfaatlarini ko'zlab korrupsiyaviy xatti-harakatlarni sodir etish xavfi;

skrinshot-monitor ekranidan tushirilgan surat.

2-bob. Xarid qilish tartib-taomillari ishtirokchisini tekshirishning umumiy tartibi

5. Tanlov (tender) o'tkazish bo'yicha xarid komissiyasi (keyingi o'rinlarda xarid komissiyasi deb yuritiladi) mazkur Yo'riqnomada belgilangan tartibda xarid qilish tartib-taomillari ishtirokchisini tekshirishga javobgar hisoblanadi.

6. Tovar yoki ish (xizmat)lar elektron do'kon yoki auksion orqali amalga oshirilganda xarid qilish tartib-taomillari ishtirokchisini tekshirish o'tkazilmaydi.

7. Yetkazib beruvchi bilan to'g'ridan-to'g'ri shartnoma tuzilganda ushbu yetkazib beruvchini tekshirish bir yilda kamida bir marta o'tkaziladi.

8. Mazkur Yo'riqnoma talablariga muvofiq tekshirilishi kerak bo'lgan xarid qilish tartib-taomillari ishtirokchisi bilan tekshiruv o'tkazilib, uning natijalari olinmasdan turib shartnomaviy munosabatlarga kirishish yoki bitimlar tuzilishiga yo'l qo'yilmaydi.

9. O'tkazilgan tekshiruv natijalari mazkur Yo'riqnomaning 1-ilovasiga muvofiq shaklda tuziladigan hisobotda aks ettiriladi (hisobot Xarid komissiyasi kotibi tomonidan yuritiladi).

10. Vazirlikning Korrupsiyaga qarshi kurashish bo'limi xarid qilish tartib-taomillari ishtirokchisini tekshirish jarayonini maslahat berish formatida va korrupsiyaga qarshi monitoring doirasida nazorat qiladi va uslubiy yordam ko'rsatadi.

Xarid komissiyasi xarid qilish tartib-taomillari ishtirokchisini quyidagilar asosida tekshiradi:

ma'lumotlarning ochiq manbai;

xarid qilish tartib-taomillari ishtirokchisi tomonidan taqdim etilgan hujjatlar.

11. Tanlov yoki tender hujjatlarini tayyorlovchi shaxs hujjatlar ro'yxatida xarid ishtirokchisidan quyidagi hujjatlar taqdim etilishini ko'rsatishi lozim:

Davlat ro'yxatidan o'tganligi haqidagi guvohnoma nusxasi;

ishonchnomaning yoki xarid qilish tartib-taomillari ishtirokchisi vakilining bitimlar tuzish va hujjatlarni imzolash bo'yicha vakolatlarini tasdiqlovchi boshqa hujjatlari nusxasi;

agar mavjud bo'lsa, xarid qilish tartib-taomillari ishtirokchisining korrupsiyaga qarshi kurashish bo'yicha ichki hujjatlari (siyosat, nizomlar, odob-axloq qoidalari, korrupsiyaga qarshi dasturlar va h.k.);

xarid qilinayotgan tovar yoki ish (xizmat)ning xususiyatidan kelib chiqib xaridning barcha ishtirokchilaridan zaruratga ko'ra so'raladigan boshqa hujjatlar;

12. O'zbekiston Respublikasining qonunchiligiga muvofiq mazkur Yo'riqnomaning 12-bandida ko'rsatilgan hujjatlar olinishi majburiy bo'lib hisoblanadi, xarid qilish tartib-taomillari ishtirokchisining korrupsiyaga qarshi kurashish bo'yicha ichki hujjatlari va xarid ishtirokchisining oxirgi benefitsiarlari haqidagi ma'lumotnoma bundan mustasno. Xarid ishtirokchisi tomonidan korrupsiyaga qarshi kurashish bo'yicha ichki hujjatlari va xarid ishtirokchisining oxirgi benefitsiarlari haqidagi ma'ulmotnoma berishdan bosh tortganda Xarid komissiyasiga xarid qilish tartib-taomillari ishtirokchisi tomonidan taqdim etilgan hujjatlar asosida tekshiriladi.

3-bob. Xarid qilish tartib-taomillari ishtirokchilari haqidagi ma'lumotlarni tahlil qilish

13. Xarid komissiyasi Komplayens nazorat bo'limi bilan birgalikda quyidagi yo'nalishlar bo'yicha xarid qilish tartib-taomillari ishtirokchilari haqidagi ma'lumotni tekshiradi va tahlil qiladi.

a) Xarid qilish tartib-taomillari ishtirokchisining ta'sis etilishi va shartnoma tuzish vakolati haqidagi ma'lumotnoma tahlil qilish.

Xarid komissiyasi Tadbirkorlik subyektlari yagona davlat reestri, davlat ro'yxatidan o'tkazilganligi haqida guvohnoma, ishonchnoma yoki xarid qilish tartib-taomillari ishtirokchisi vakilining bitim tuzish va hujjatlarni tuzishga vakolat beruvchi boshqa hujjatlardagi ma'lumotlarni tahlil qiladi va quyidagilarni aniqlaydi:

Xarid qilish tartib-taomillari ishtirokchisining Tadbirkorlik subyektlari yagona davlat reestrida mavjudligi;

xarid qilish tartib-taomillari ishtirokchisining yuridik va haqiqiy manzili;

xarid qilish tartib-taomillari ishtirokchisi rahbari va muassislarining F.I.O.;

xarid ishtirokchisining yillar davomida faoliyat olib borish muddati (xarid qilish tartib-taomillari ishtirokchisi tekshirilgan sana bilan yuridik shaxs davlat ro'yxatidan o'tkazilgan sana o'rtasidagi farqi);

b) Soliq va boshqa mujburiy to'lovlar bo'yicha qarzdorlik mavjud emasligini tekshirish.

Xarid komissiyasi xarid qilish tartib-taomillari ishtirokchisida soliq qarzi mavjud emasligini soliq organlarining elektron davlat xizmatlari portali orqali tekshirish. (<https://my2.soliq.uz>).

c) Xarid qilish tartib-taomillari ishtirokchisiga nisbatan bankrotlik tartib-taomillari joriy etilmaganligi.

Xarid komissiyasi xarid qilish tartib-taomillari ishtirokchisiga nisbatan bankrotlik tartib-taomillari joriy etilganligini soliq organlarining elektron davlat xizmatlari portali orqali tekshiradi (<https://my2.soliq.uz>).

d) Vazirlik va tizim tashkilotlarning xarid qilish tartib-taomillari ishtirokchisi bilan o'zaro xamkorligi tarixining tahlili.

Xarid komissiyasi Vazirlik bilan xarid qilish tartib-taomillari ishtirokchisi o'rtasida oxirgi 3 yilda shartnomaviy munosabatlari mavjudligini aniqlaydi. Bunday munosabatlar aniqlanganda oldin tuzilgan shartnomalarni o'z vaqtida, lozim darajada va sifatli ijro etilganligi, shuningdek, bunday xarid qilish tartib-taomillari ishtirokchisining korrupsiyaviy faoliyatda ishtirok etganligini tasdiqlovchi faktlar va shubhalar tahlil qilinishi lozim.

Vazirlar Mahkamasining 2020-yil 18-fevraldagi 91-son qarori bilan tasdiqlangan obyektlarni qurish, rekonstruksiya qilish va kapital ta'mirlash ishlari bo'yicha namunaviy tanlov va tender hujjatlari asosida tanlovni (tenderni) tashkil etish va o'tkazish faqat 2020-yilda qurilishi, rekonstruksiya qilinishi va kapital ta'mirlanishi nazarda tutilgan obektlarga nisbatan amal qiladi.

4-bob. Manfaatlar to'qnashuvi mavjud emasligini tekshirish

15. O'zbekiston Respublikasining "Davlat xaridlari to'g'risida"gi Qonunning 39-moddasiga asosan davlat buyurtmachisining maxsus axborot portali operatorining mansabdor shaxslari va boshqa xodimlari, shuningdek xarid komissiyasining a'zolari xarid qilish tartib-taomillarini amalga oshirishda o'z ishtirokidagi davlat xaridlariga doir bitimning natijasi bo'lishi mumkin bo'lgan istalgan shaxsiy nafni bevosita yoki bilvosita olish huquqiga ega emas.

16. Komplayens nazorat bo'limi Xarid komissiyasi kotibi bilan birgalikda takliflar kelib tushgan so'nggi kundan keyin bir ish kuni ichida manfaatlar to'qnashuvining yo'qligini tekshiradi:

Xarid komissiyasi a'zolari obektivkalarining ma'lumotlari bazasida xarid qilish tartib-taomillari ishtirokchisi nomi mavjudligini tekshiradi. Buning uchun xodimlarning ma'lumotnoma-obektivkalari saqlanadigan elektron papkada "Izlash" maydoniga xarid qilish tartib-taomillari ishtirokchisi nomi kiritiladi va "Enter" tugmasi bosiladi. Xodimlar obektivkasida uning nomi aniqlanganda obektivkasida tasodif aniqlangan xodimga aniqlashtiruvchi so'rov yuborish yo'li bilan manfaatlar to'qnashuvining mavjudligi yoki mavjud emasligi bo'yicha navbatdagi tahlil amalga oshiriladi.

Xarid komissiyasi a'zolari obektivkalarining ma'lumotlari bazasida muassislar, rahbarlar va oxirgi benefitsiarlarni mavjudligini tekshiradi. Buning uchun xodimlarning ma'lumotnoma-obektivkalari saqlanadigan elektron papkada "Izlash" maydoniga muassislar, rahbarlar va oxirgi benefitsiarlar nomi navbat bilan kiritiladi va "Enter" tugmasi bosiladi. Tasodiflar aniqlanganda ularga xodimning obektivkasida va xarid qilish tartib-taomillari ishtirokchisi tomonidan oxirgi benefitsiarlar haqida berilgan ma'lumotnomada ko'rsatilgan shaxsning tug'ilgan sanasini tekshirish yo'li bilan yanada aniqlik kiritiladi. To'liq tasodif aniqlanganda xodimga aniqlashtiruvchi so'rov yuborish yo'li bilan manfaatlar to'qnashuvining mavjudligi yoki mavjud emasligi bo'yicha navbatdagi tahlil amalga oshiriladi.

17. Manfaatlar to'qnashuvining mavjudligi yoki mavjud emasligi haqidagi qaror tekshiruv o'tkazgan Komplayens nazorat bo'limi hulosasiga asosan xarid komissiyasi tomonidan qabul qilinadi.

18. Yagona yetkazib beruvchi bilan shartnoma asosida xaridlar amalga oshirilgan taqdirda Xarid komissiyasining mas'ul a'zosi tomonidan xarid qilish tartib-qoidalarida ishtirok etgan shaxslardan hujjatlar olingan kundan boshlab yagona yetkazib beruvchini tekshirish jarayoni ushbu Yo'riqnomaning 16-bandiga asosan amalga oshiradi.

19. Xarid komissiyasining mas'ul a'zosi (Komplayens nazorat bo'limi) tekshiruv natijalariga ko'ra Xarid komissiyasiga manfaatlar to'qnashuvi mavjudligi yoki mavjud emasligi haqidagi ma'lumotni o'z ichiga olgan xizmat xatini yuboradi.

20. Manfaatlar to'qnashuvi aniqlanganda Xarid komissiyasi quyidagi qarorlardan birini qabul qiladi:

a) Vazirlikning boshqa manfaatdor xodimi bilan xarid ishtirokchisi o'rtasida manfaatlar to'qnashuvi mavjud bo'lganda xarid ishtirokchisi xaridda qatnashishdan chetlashtiriladi;

b) Xarid komissiyasi a'zosi bilan xarid ishtirokchisi o'rtasida manfaatlar to'qnashuvi mavjud bo'lganda: xarid bekor qilinadi va takroriy xarid tashkil qilinadi, manfaatlar to'qnashuvi mavjud bo'lgan Xarid komissiyasining a'zosi xaridda qatnashishdan chetlashtiriladi.

21. Agar vazirlik xodimi va yagona yetkazib beruvchi o'rtasida manfaatlar to'qnashuvi mavjud bo'lsa, shartnoma tuzilmaydi.

5-bob. Yakunlovchi qoidalar

22. Mazkur Yo'riqnomaning 2-ilovasida tavsiflangan tahlil natijalari mazkur Yo'riqnomaning 1-ilovasiga muvofiq shaklda xarid qilish tartib-taomillari ishtirokchisini tekshirish haqidagi hisobotda o'tkazilgan tahlillar skrinshoti ilova qilingan holda aks ettiriladi.

23. Xarid qilish tartib-taomillari ishtirokchisini tekshirish haqidagi hisobot Komplayens nazorat bo'limi hulosasiga asosan Xarid komissiyasi kotibi tomonidan xarid komissiyasiga yetkaziladi va yakuniy qaror qabul qilinishida inobatga olinadi, bu xaqda komissiya majlisining bayonnomasida qayd etiladi.

24. Xarid komissiyasi, agar tekshiruv natijalariga ko'ra ular O'zbekiston Respu'blikasining "Davlat xaridlari to'g'risida"gi Qonunning 29 va 34-moddalariga muvofiq kelmasa ishtirokchilar ko'rsatilgan mezonlarga javob bermaydi, deb topadi.

25. Agar xarid qilish tartib-taomillari ishtirokchisini tekshirish natijalariga ko'ra korrupsiyaviy xavf-xatarning mavjudligidan yoki korrupsiyaga qarshi kurashish tizimining mavjud emasligidan dalolat beruvchi ma'lumotlar aniqlanganda, ya'ni 12 va 14-bandlarda tegishli ma'lumotlar ko'rsatilganda, unda korrupsiyaviy xavf-xatarni minimallashtirish bo'yicha quyidagi chora-tadbirlar amalga oshirilishi lozim.

Ishtirokchilarning takliflarini baholash faqatgina ochiq tarzda amalga oshiriladi. Xarid komissiyasining majlisida qatnashish uchun ovoz berish huquqiga

ega bo'lmagan, biroq xarid qilish tartib-taomillari ishtirokchisini tanlash jarayonining shaffofligi va xolisligini nazorat qiladigan Korrupsiyaga qarshi kurashish bo'limi xodimi taklif qilinadi.

Korrupsiyaga qarshi kurashish bo'limi xodimi xarid komissiyasining yig'ilishida vedokonferensiya aloqa vositasida ham ishtirok etishi mumkin;

agar korrupsiyaviy xavf-xatar bilan tavsiflangan ishtirokchi tanlov yoki tender g'olibi deb topilganda, vazirlik va uning tizimidagi davlat xaridlarini muvofiqlashtirish bo'limi tuziladigan shartnoma shartlarini ishtirokchining arizasiga va tanlov yoki tender hujjatlari shartlariga muvofiqligini tekshirishi lozim;

agar korrupsiyaviy xavf-xatar bilan tavsiflangan ishtirokchi tanlov yoki tender g'olibi deb topilganda, xarid natijalari (maxsulot yetkazib berish, xizmat ko'rsatish, ish bajarish)ni qabul qilish Vazirlikdagi turli tarkibiy bo'limlarining kamida uch nafar xodimi tomonidan Korrupsiyaga qarshi kurashish bo'limi xodimi ishtirokida amalga oshiriladi.

26. Tekshiruv natijalari haqidagi hisobot xarid hujjatlariga qo'shiladi va Moddiy-texnik ta'minlash bo'limi hamda vazirlik va uning tizimida davlat xaridlarini muvofiqlashtirish bo'limida saqlanadi.

O'zbekiston Respublikasi Kambag'allikni qisqartirish
va bandlik vazirligida davlat xaridlarini amalga oshirish
doirasida xarid qilish tartib-taomillari
ishtirokchilarini tekshirish jarayoni bo'yicha
yo'riqnomaga
1-ILOVA

**Xarid qilish tartib-taomillari ishtirokchisini tekshirish haqidagi
HISOBOT**

1. Xarid qilish tartib-taomillari ishtirokchisi nomi _____
 2. STIR _____
 3. Ro'yxatga olish sanasi _____
 4. Manzil _____
-
5. Rahbar F.I.O. _____
 6. Muassislar F.I.O. _____
 7. Oxirgi benefitsiarlar F.I.O. _____
 8. Ishtirokchi shartnoma tuzishga vakolatlimi? _____ Ha _____ Yo'q
 9. Soliq va boshqa majburiy to'lovlardan qarzdorlik mavjudmi? _____ so'm.
 10. Xarid qilish tartib-taomillari ishtirokchisiga nisbatan bankrotlik tartib-taomillarning joriy qilinganmi? _____ Ha _____ Yo'q
 11. Insofsiz ijrochilar yagona reestrda xarid qilish tartib-taomillari ishtirokchisi haqida yozuvlar mavjudmi? _____ Ha _____ Yo'q
 12. Ishtirokchi xaridning boshqa ishtirokchilari bilan afillanganmi? _____ Ha _____ Yo'q
 13. Bo'lishi mumkin bo'lgan korrupsiyaga oid huquqbuzarliklar haqida ma'lumot mavjudmi? (Korrupsiyaga oid huquqbuzarliklar tavsifi/xarid qilish tartib-taomillari ishtirokchisining poraxo'rligi) Mavjud emas/Manbaa: (xavola),
Mavjud emas/Saytning adresi (havola), faoliyat yuritadi/yuritmaydi
 14. Korrupsiyaga qarshi hujjatlar mavjudmi? (taqdim etilgan yoki saytdagi) _____ Ha _____ Yo'q
 15. Xarid qilish tartib taomillari ishtirokchisi sayti _____
 16. Xarid qilish tartib-taomillari ishtirokchisi rusurslari xajmi shartnoma bo'yicha majburiyatlarni bajarishga yetarlimi? _____ Ha _____ Yo'q
 17. Manfaatlarni to'qnashuvi to'g'risidagi ma'lumot mavjudmi? _____ Ha _____ Yo'q

18. Hisobotga ilova qilingan boshqa
materiallar _____ Ha _____ Yo'q

19. Xarid qilish tartib-taomillari ishtirokchisini tekshiradigan xodim
haqida ma'lumotlar

- a) _____
- b) _____
- c) _____
- d) _____

F.I.O. _____

Lavozimi _____

Hisobot tuzilgan sana _____

Lot raqami _____

O'zbekiston Respublikasi Kambag'allikni
qisqartirish va bandlik vazirligida davlat xaridlarini
amalga oshirish doirasida xarid qilish
tartib-taomillari ishtirokchilarini tekshirish
jarayoni bo'yicha yo'riqnomaga
2-ILOVA

UMUMIY BAHOLASH JADVALI
№ _____ lot bo'yicha tanlov/tender qatnashchilarining takliflari

| № | Qatnashchining nomlanishi | Narx bo'yicha ikkinchi konvertni bali | Birinchi konvertni bali | Umumiy ball |
|----|------------------------------|---|----------------------------|----------------|
| | | Maks. 60 ball | Maks. 40 ball | Maks. 100 ball |
| 1. | | | | |
| 2. | | | | |